



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

Brunner, Andreas
Pfeffer, Wilhelm

Antverpiæ, [1659 erschienen] 1660

S. Simeon Conf. 26. Iulij.

urn:nbn:de:hbz:466:1-42032

bat ex parentum, non virginis, voluntate, Obolenus homo non tam sanguine, quam sceleribus nobilis, cum ecce rege iubente nuptialis pompa in funebrem abit, & hujus imperio Obolenus in carcerem, non thalamum ducitur, sceleris convictus, mortem subit, non lectum; lessum audit, non Hymenæum. Vix hanc pugnam castitas pugnavit, cum altera excipit victricem. Despondent iterum homini GLODESINDEM, & melioribus jam, ut ipsi putabant, auspiciis. Quid ageret pudor bis proditus? more Parthi fugiendo vincit, ad D. Stephani contendit asylon, aramprehendit, & quem unum deperibat, Sponsum LESVM complectitur. Hederam viti illigatam dixisset. Et jam septimus dies ierat, & virgo celi deliciis plena non senserat famem, cum apparantur palam & in conspectu populi nuptie placitura tandem ipsi etiam virgini. Adsunt è celo nitidissimi duo Ephebi Paranymphe, tertius flammeo inde etiam allato non repugnantem obnubit, jamque urbe attonita, jam parentibus etiam gaudentibus, GLODESINDIS in thalamum suum (Virginum Collegium) abducitur. Ex Surio.

Cura habere lilia penes te, si vis habere Deus habitatorē liliorum habitantem in te. Opus tuum, studium tuum, desiderium tuum lilia esse protendantur moralis quidam rerum ipsarum candor atque odor. S. Bern. serm. 71. in Cant.

S. SIMEON CONF. 26. Iulij.

MUNDUM omnem suis beneficiis obambulare voluisse SIMEON videtur, etiam postquam exivit è mundo, & vel inter Monachos vel Eremitas vixit. Inter hos agenti cum fames ultima mina-

minaretur, cervus Divo sponte sua victimam se-
 stitit. Hierosolymæ hospes cum degeret, malos
 hospites dæmones septem sibi fecit cedere. Ro-
 mæ hereleos accusatus, accusatorem, quem malus
 genius corripuerat, precibus suis reus absolvit.
 Plura alia mira cum celebrem illic facerent, ho-
 nores fugâ elusit. Fugientem cum Monachi ex iti-
 nere verberibus male accepissent, coniectique eam
 ob rem in vincula ab Episcopo fuissent, SIMEON
 noctu hostes suos è carcere exemit; & gloriolam
 iterum fugiendo vicit. Pisas cum ingrederetur,
 obvium è Styge nuntium habuit illud rogantem:
Quò tendis Monache? SIMEON hoc tantum res-
 pondit: *Quò me Christus duxerit.* & ecce molestus
 rogator viam suam ilicò in orcum relegit. Hinc
 Lucam venit. Ibi cum Iudæorum Antesignanum
 bellum Virginitati DEIPARAE moventem mortè
 subitâ sterneret, reliqui manus dederunt. Placentiæ
 noctu oraturum suoapte motu apertum templum re-
 cepit. Padum pedes trajecit tam citò ut velis &
 remis usum crederes. Iamque quocunque iret, è viâ
 morbi cedebant. Sed nos sistimus calamum fessum.
 Tu quoque Lector, ne orbem nobiscum perambula-
 re cogaris, familia illum in Gallis & Hispaniis fa-
 ctitasse puta. *Ex Ferrar.*

*Ut evadas hominem Dominum, quicumque ser-
 vus es, fugis in ea loca, ubi non est Dominus tuus:
 ut evadas Deum, fuge ad Deum: nam non est, quò
 effugias Deum, præsto sunt omnia & nuda Omnipoten-
 tis oculis. S. Aug. in Psal. 30.*